## 99er Bäsefrässer Fasnacht 2019

Do z Därwil git s kei Ornig me bi Abfall, Lärm und Gschrey, drum simmer nümme richtig zfriide mit der Polizey.
Der Gmeindrot schiggt d Securitas mit Schüüfeli und Bäse sie sölle uf de Strosse Brot und Weggli zämmeläse.

Refrain:
Und nach däm Väärs, dörfsch nit vergässe, wämmer none Bääse frässe.

Dr chinesisch Astronaut Ping Pong dä jublet, s hett sich glohnt Als erschte Mensch do hoggt är jetzt, $z$ hinderscht uf em Mond Das huere Gschiss, wo die jetzt mache, lägg hett uns das gschtört Sit 750 Johr, sind d Gugger doch scho dört

Im K1 darfsch nümmi bällele, susch chunnsch vom Hase dra Dä armi, gstressti Maa muess doch s'Erholigs -Schlööfli ha Wenn är jetzt gli im Whirlpool hoggt und s'lutt Geblubber hört Chönntis sii, dass inn unser Bällele nümm stört.

Machsch Balle, Färse, Balle stampf und Balle Färse flach
Lut Angelo Borer isch steppe überhaupt kei Sach
Ich bi e Gugger, blöfft är stolz und kenn mi do guet us
Nur cha mir bittschön eine sage, wo goht's zum Guggerhuus?

Dr Baltisberger schiebt ungeniert dr Frau e Jöbli zue Isch si in dr Kirche, het är vor ihre Rueh Sauhääfeli, Saudeggeli seit s Fränzi, isch doch gliich Was mir dr Ruedi Lohn gäh sott, beschtimm no immer ich!

Ich ha zwei Folge Tatort gluegt, und d Miss Marple macht mr Spass So chani Karriere mache, bi dr Securitas
Wird's wirgglich gföhrlich, setz i cool, mi Allzwägg -Waffe yy ich ha zum Schutz, am vordere Paul, sis Pudeli drby

Machsch Balle, Färse, Balle stampf, läck goht das scho guet
Dr Bodestampfer Stepper Borer jo, dä het scho Muet
Kamerageil und sälbschtverliebt isch unser Résumée
S'nächscht Johr chasch dä sicher denn im Dschungelcamp no gseh

In der Grossmatt do issisch güet und Sprooche lehrsch do öi
söimässig Blaisire macht uns üs em Elsoss e flotti Fröi,
nid chappelätz und rapsig, öi wenns pressont müess goo
und jetzt, wonn ich die Sprooch verstoh, isch's Beatrice nimm doo

Dr Maudet Pierre isch käuflich, duet gärn günschtig fliege und lieggt himmeltruurig, dass sich d'Balgge biege mit breitem Grinse stoht er do und schüttled flissig Händ bi de Amis wirsch eso. ratzfatz zum Präsidänt.

Das Wasserrad vom Steffi Gschwind mahlt nüt und macht kei Strom produziert nur Leerlauf, guet s'bekunnt jo au kei Lohn es dreit und dreit und bringt gliich nüt, das tönt jetzt zwor fies Exakt eso, isch am Edi Löw si Arbetswiis

S'Mühlibode renoviere gäge d'Bebe, oder neu?
Wäg de Finanze het dr Gmeinrot, jetzt scho weichi Chneu I weiss e super Lösig, rieft dr Möschtli, dä chlei Schelm Und verteilt ganz choschtegünschtig, jedem Chind e Helm

Machsch Balle, Färse, Balle stampf, jezz macht's scho langsam weh Vo Ettige hesch im Färnseh leider überhaupt nüt gseh Die Schattechinder düen uns leid, jetzt gseht's doch Jede yy dass sich Step uf Depp duet riime, cha kei Zuefall syy.

D Bäsefrässer wünsche Euch e wunderschöni Därwiler Fasnacht 2019

